

Vilna Sonoro



N-ro 2

Dimanĉo, 24-a de julio 2005

Tago +19 +21
Nokte +09 +11

Redakateja retadreso: kuriero@esperanto.lt

Kongresa Kuriero de la 90-a Universala Kongreso en Vilno, Litovio

Transporto por la INAŪGURO

La aŭtobusoj por la Solena Inaŭguro (salono Zamenhof en Vilniaus Siemens Arena, Ozo str. 14) ekiras de antaŭ la kongresejo de Reval Hotel (Konstitucijos av. 20) **dimanĉe je la 08h15 kaj 09h15. Reveno al Reval je la 12h15.**

Por la Nacia Vespero (Zamenhof) la aŭtobusoj ekiras **dimanĉe je la 18h30 kaj 19h30** de la sama loko (Reval). Reveno al Reval je la 22h15.

Se vi maltrafas, de Reval iru kaj transiru la straton Kalvarijų. Trovu la bushaltejon "Žaliasis tiltas" ĉe la samnoma ponto. Veturu per la buso n-ro 10, 26, 26A, 53 aŭ 53A. Eliru en la 5-a haltejo "Pramogų Arena".

Alta Protektanto ne partoprenos la solenan inaŭguron

Multaj esperantistoj ofte demandadis unu la alian, ankaŭ ĵurnalisto, ĉu la solenan inaŭguron partoprenos ĝia Alta Protektanto, Prezidento de Litovio Valdas Adamkus. Eĉ Povilas Jegorovas longe ne povis klare respondi al tiu tika demando.

Tamen evidentigis, ke la alta protektanto de la kongreso dimanĉe (la 24an) preferas la finalon de Eŭropa Atletika Ĉampioneo en Kaunas, kiun partoprenas 45 landoj, kaj ne la Universalan Esperanto Kongreson, al kiu kunvenis delegitoj eĉ el 60 landoj, kaj kies Alta Protektanto li estis nomumita. Almenaŭ ĝis nun tiel pri dimanĉa tagordo de la Prezidento informis litovaj amaskomunikiloj.

Gazetara konferenco de la kongreso

Sabate, je la 10-a matene, okazis la unua gazetara konferenco. Eble pro troa antaŭinformiĝo de gazetaro pri Esperanto kaj la kongreso, eble pro nelabortago Sabato venis nemultaj ĵurnalistoj. Tamen kun esperantistoj estis ĉirkaŭ 20 personoj.



Povilas Jegorovas, LKK-prezidanto enkondukis la konferencon. Renato Corsetti, UEA-prezidanto, substrekis, ke ni estas parto de paco kaj kunlaboro. Humphrey Tonkin, honora UEA-prezidanto, atentigis pri lingva problemo sub la pliampleksiĝo de EU.

Kiel kutime, ĵurnalisto demandis "Kiom da Esperantoparolantoj tra la mondo?" Humphrey Tonkin respondis: "... Ili estas certe pli ol vi suspektas, sed mal pli ol ni deziras..." Do, niaj deziroj rapide plenumiĝu.

KN 92

Rusa kanalo la unua raportis

La 22an de julio en sia vespera informelsendo "Litovskoje Vremia" en ruslingve emisiata televida kanalo "1 Baltijskij kanal" la unua raportis pri la sabate komenciĝanta Universala kongreso en Vilno. TV ĵurnalisto videis en la kongresejo kaj surstrate, informis pri la internacia lingvo kaj intervjuis viceprezidenton de Litova Esperanto-Asocio Stasys Kružinauskas, kiu interalie mencias, ke lerni Esperanton multe pli facilas ol nun tre popularan anglan lingvon. Koredevena litovia esperantisto Choe Taesok en Esperanto kaj la rusa lingvo invititis al la kongreso.

Lunde Povilas Jegorovas, LKK-prezidanto partoprenos en la matena programo "Labas rytas" de la nacia televido LTV.

Programsanĝo

La programero "Internacia Arta Vespero - preparoj 1" ne okazos kiel antaŭvidite dimanĉe je la 15h00, sed LUNDE je la 11h00 en salono Skūpas.

KN 581

Tuttaga ekskursuo E-4

Atenton! Vi matenmanĝos tre frue kaj tagmanĝos malfrue. Kunportu manĝaĵeton kaj trinkajon.

Esperanto, ŝanco por Eŭropo

Estas franca asocio en Asnieres (tuj apud Parizo), ĉirkaŭ 80.000 loĝantoj, kelkaj esperantistoj. Ni serĉas urbeton, same apud ĉefurbo en Eŭropa Unio, pli malpli same priloga, por krei esperantistan Ĝemeligidon.
Ni ĝojus pri tio! Bonvenon!

KN484

Ĝangalo

El la 23-an de julio ĝis 30-an okazas en Vilnius la 90-a UK. Ĝangalo jam disponigis al siaj legantoj specialan raporton pri la Kongreso. Dum la kongresaj tagoj, la redakcio de Ĝangalo informos pri la lastaj

okazintajoj de la kongreso. La redakcio havos videojn por tuja disponigado en la kanalo Aŭdvide de Ĝangalo, kaj por posta elsendado pere de Internacia Televido. <http://gangalo.com>

Boatado

Multjaraj "Boatadoj" en la pasinteco tra Ignalina nacia parko allogis esperantistoj el ĉiuj anguloj de la eksa Sovetunio. Bela naturo, gajaj okazintajoj. Amika etoso akompanis partoprenantoj. Rememoru, refreſigu, refortiĝu partoprenonte "Boatadon – kajakodon" omaĝe al la 90-a UK merkrede. Renkontu malnovaj kaj novaj amikoj, vidu fotajon kaj remu kune. Dezirantoj bonvolu turni sin al ekskursa giĉeto

KN 1668

Al la eldonistoj

Se vi intencas prezenti viajn novajn eldonajojn dum la programero "Libroj de la jaro", kiu okazos ĵaŭde je la 11h30 kaj ne jam anoncis vin, bonvolu urge kontakti Claude Nourmont, estraranon pri kulturo (KN 82). Ĝis nun sin anoncis eldonistoj de tradukoj de "La Zamenhof-strato".

Du libroj en Esperanto de nobelpremiito Reinhard Selten

Post la (en la dumkongresa libroservo ankoraŭ havebla) „Enkonduko en la teorion de lingvaj ludoj – Ĉu mi lernu Esperanton?“ de nia nobelpremiito Reinhard Selten ĵus aperis okaze de la 90a Universala Kongreso dua libro lia en Esperanto: „Por dulingveco en Eŭropo“. Ankaŭ ĉi tiu libro estas imitmodele verkita dulingve – en Esperanto kaj la Germana – kaj presita en paralelaj kolumnoj konforme al la rekomendo de la Akademio Internacia de la Sciencoj (AIS) San Marino, de kiu Selten estas honora senatano kaj kunfondinto de la germana apogasocio. La verko, kiu estas favorpreze havebla dum la 90a UK, argumentas por la enkonduko de Esperanto kiel neŭtrala komuna interkomprenebleco de la Eŭropa Unio, dokumentas oficialajn lingvopolitikajn decidojn de diversaj internaciaj organizoj kaj avertas, ke krom la „konstruiva“ neŭtrala solvo de la eŭropa lingvo-problemo ekzistus kiel pravigebla alternativo nur la „demokrata“ solvo, uzi kiel komunan eŭropian lingvon sur la teritorio de EU centran kaj relative plejmultan lingvon, do la Germanan. AIS-prezidanto Helmar Frank estas kunaŭtoro de la libro, kiun eldonis Akademio Libroservo pere de la eldonejoj de IfK kaj IfB en Paderborn. La libro direktigas ne lastvice al politikistoj. AIS kaj Eŭropa Klubo sugestas donaci ĝin al influhavaj kultur- aŭ eŭropa-politikistoj kun akompana letero kaj dediĉaj aŭtogramoj de la donacanto kune kun la du aŭtoroj. Rekomendoj kaj aŭtogramoj haveblas ĉe la komuna giĉeto de AIS, Eŭropa Klubo kaj la Instituto pri Kibernetiko.

KN 1931

KLERIGA LUNDO

25 julio 2005

En Gotenburgo kaj Pekino, ni organizis en la kadro de la Universala Kongreso specialan kaj tre sukcesan klerigan tagon, en kiu okazis plej diversaj kunvenoj – pri la lingvo Esperanto, pri ĝia historio, pri la kongresa lando, pri novaj metodoj de informado, pri kiel organizi kongresojn, ktp. Multaj kongresanoj partoprenis (verŝajne eĉ plimulto de la kongresanoj), kaj sekve iris hejmen kun novaj ideoj kaj nova entuziasmo. En Vilno ni denove prezentas nian Klerigan Tagon. Ni invitas vian partoprenon....

Unua bloko: 9:00 – 10:30

Literaturaj Skoloj

Parolos Nikolao Gudskov, Arpad Mathé, Jacques Le Puil kaj Jean-Pierre Danvy.
9:00-10:30. Salono Grabowski

Landaj Asocioj

Diskutos Normand Fleury, Emile Malanda Nianga, Reza Torabi.
9:00-10:30. Salono Berthelot

La Ŝanĝiganta Situacio en Internaciaj Rilatoj

Parolos Wera Blanke, José Antonio Vergara, Jozef Reinhardt.
9:00-10:30. Salono Lapenna

La Lingvoj de Baltio inter la Lingvoj de la Mondo

Parolos Marc Vanden Bempt, Brian Moon, Aida Čizi-kaitė, Madis Linnamägi, Humphrey Tonkin.
9:00-10:30. Salono Chen Yuan.

Dua bloko : 10:45 – 12:15

Informado: Pluraj Celoj, Pluraj Metodoj, Pluraj Rezultoj
Parolos Renato Corsetti, François Bartsch, Aleksander

Vetero en la kongresa semajno favoros

La lastan tagon antaŭ la komenco de la kongreso multajn gastojn seniluziigis litova griza ĉielo, foja pluvo kaj troa frešeco. Tamen la veterprognozoj por la kongresa semajno favoros por distroj, ekskursoj kaj amikaj kontaktoj.

Pliboniĝo komenciĝis jam sabate. Pluvos malpli. Malgraŭ ke nubo ofte kaŝos sunon, varmiĝos pli kaj pli. Ekde lundo temperaturo ĉiutage devus superi +25 gradojn kaj jaude jam atingi +30. Estu bone, se estu tiel, tamen en Litovio vetero ofte estas malfacile prognozebla.

Korjenkov, Claude Longue-Epée, José Antonio Vergara, Etsuo Miyoshi.

10:45-12:15. Salono Lapenna.

Redakti Revuojn: Kiel Fari kaj Kion Fari?

Parolos Stano Marček, Doi Chieko, Georgij Kokolija, Paul Peeraerts.
10:45-12:15. Salono Berthelot

Balta Literaturo en Esperanto

Parolos Vytautas Šilas kaj Margarita Želva.
10:45-12:15. Salono Grabowski.

Najbare al la Baltaj Landoj

Parolos Barbara Despiney, Biruta Rozenfelde kaj Halina Gorecka.
10:45-12:15. Salono Chen Yuan.

Tria bloko : 12:30 – 14:00

Tradukado

Parolos Istvan Ertl, Gerrit Berveling, Spomenka Štmejc, Toon Witkam.
12:30-14:00. Salono Chen Yuan

Kulturcentroj Esperantistaj

Parolos Brian Moon, Andrzej Grzegowski, Zsófia Kóródy.
12:30-14:00. Salono Grabowski

Esploriloj kaj Esplorejoj

Parolos Endre Dudich, Tacuo Hugimoto kaj Geoffrey Sutton.
12:30-14:00. Salono Lapenna

Junularo tra la Jardekoj

Parolos Syoerd Bosga, Hans Michael Maitzen kaj Humphrey Tonkin.
12:30-14:00. Salono Berthelot.

Foto de kongresano



Foto KN 1601

NOVAJ ALIĜOJ

2236		S-ino Auksė Karalienė, Gynėjų 4-39, Litovio
2237		S-ro Romas Cibas, Luknijų km., Utenos raj., Litovio
2238		S-ino Vilija Kailiūtė, Plechavičiaus 4-51 Kaunas, Litovio
2239		S-ino Joana Medeiso, Pergales 49 Grigaičiai Vilniaus raj. 11236, Litovio
2240		S-ino Margarita Sibkova, Gelvonų 30-21, Vilnius, Litovio
2241		S-ro Jonas Adolfas Vadminas, Prancūzų 51-22, Kaunas, Litovio
2242		S-ino Alina Zuk, Vasaros 4-4 Vilnius, Litovio
2243		S-ino Tatjana Žeberskienė, Žemynos 5-50 Vilnius, Litovio
2244	-	Roger Verhiest, Weirmanstraat 8 B2100 Antverpeno – Deurne, Belgio
2245	-	S-ino Tatiana Rudakova, Moskva 103045 Poslednij plr 20 – 2, Rusio
2246	geog-f	S-ro George Alan, 16 Toolara Circuit Forestlake Qld 4078, Aŭstralio
2247	-	S-ino Mary Dorothea, 16 Toolara Circuit Forestlake Qld 4078, Aŭstralio
2248	-	S-ino Catherine Reginato, 40, rue Canot 63000 Clermont Ferrand, Francio
2249	hpad-p	S-ro Hans Adriaanse, Lenculenstraat 2, Nederlando
2250	-	S-ino Maria Kordylewska, 1910 S. State Chicago IL 60616, Usono
2251	jhjz-t	S-ro Jesuo de las Heras Jimenez, Ap. 4461 ES30080 Murcia, Hispanio
2252	avkr-f	Aleksande Krasucki, UA- 04060, Ukrainianio, Kijiv – 60 ul Kotovskogo 27, Kv- 13, Ukrainianio
2253	-	Ljubov Krasucka, UA- 04060, Ukrainianio, Kijiv – 60 ul Kotovskogo 27, Kv- 13, Ukrainianio
2254	-	S-ro Valery Matjuskov, Koritskogo 66a Patomka Mins regiono, Belorusio
2255	-	S-ino Izabelija-Dailė Alekniene, Dainavos takas 1, LT – 77146 Šiauliai, Litovio
2256	-	S-ro Ulf Beling, Erdbeinbevg 55A 24837 Sehleswig, Germanio
2257	-	Esti Saban, Sederot Jerusalem 116/1 Jato, Israelo
2258	togr-e	S-ro Tron Ogrim, Trassoppvn 120, 0671 Oslo, Norvegio
2259	-	S-ro Ellen Aabo, Jerikovn 35 c, 1067 Oslo, Norvegio

Amasloĝejo invitas vin

Ĉiuvespere ni invitas vin post la UK-programo al amasloĝejo, kie okazas junulara programo: koncertoj de gitar- kaj rokmuziko, improvizajoj de jazo ktp.

El la redakcio

La redakcio kolektas viajn kontribuojn en la kesto ĉe la informejo kaj en la redakcia salono Rosbach. La redaktofino por la venonta numero estas dimanĉe je 16h00.

La kurieron oni povas legi en la PDF-formato ?
<http://esperanto.lt/board/zboard.php?id=kuriero>.

Ĉi tiun numeron redaktis Choe Taesok, Meči-slovas Griķpēdis, Reza Torabi, Vida Čojienė, Indré Pileckaitė.



Bonveniga servo en la flughaveno